



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Komunikadu Imprensa

13 Novembru 2013

JSMP organiza kalan konsolidasaun entre profesionál legál fetu sira iha setór justisa

Iha 15 Novembru 2013, JSMP sei organiza kalan konsolidasaun entre JSMP ho profesionál legál fetu sira iha Tower, Fatuhada-Comoro, Dili.

Ne'e atividade primeíra-vez ne'ebé JSMP organiza atu lori fetu profesionál legál sira tur hamutuk hodi fahe sira nia hanoin, esperensia no dezafiu ne'ebé karik sira infrenta durante hala'o sira nia knar iha área diferente iha setór justisa no área profesionál sira seluk.

Atividade ne'e hanesan meius ida atu lori profesionál sira hamutuk hodi fo sira nia kontribuisaun no hametin rede advokasia ida ne'ebé mak forte relasiona ho asuntu luta hasaru violénsia bazea ba jéneru.

Aleinde ne'e, atividade ne'e mos nu'udar aprosimasaun inisiál hodi konsolida rede servisu no enerjia kolektiva entre profesionál legál sira no autóridade tribunál sira hanesan juiza, prokuradora no defensores fetu sira no advogada ka profesionál legál fetu sira iha área no profesaun diferente iha setór justisa formal.

“Violénsia bazeia ba jéneru nu'udar krime ne'ebé komplexu tanba involve interese no prátika kultural no konseitu oi-oín iha Timor Leste. Tanba ne'e, atu hasoru dezafiu sira ne'e, ejize enerjia no eforsu kolektivu atraves husi aprosimasaun oi-oín hodi uniforma konseitu, persepasaun iha kontestu luta kontra violénsia bazeia ba jéneru iha Timor Leste, dehan Diretór Ezekutivu JSMP, Luis de Oliveira Sampaio.

Mesmu ne'e, atidade ne'ebé informal teb-tebes, maibe JSMP sei uza oportunidade ne'e hodi intrudus dados no faktu sira ne'ebé JSMP deskobre atraves husi atividade peskija no monitorizasaun iha tribunál sira, relasiona ho asesu fetu vítima violénsia bazeia ba jéneru iha tribunál. Ne'e inklui dezafiu ne'ebé fetu sira infrenta, kapasidade instituisaun justisa sira atu proteze no aseguara justisa ba sira.

Aleinde ne'e, aproveita oportunidade ne'e, JSMP mos hakarak agradese no apresia kontribuisaun no kolaborasaun diak entre JSMP no autóridade judisiáriu fetu sira nian durante tinan 2013 nia laran.

Konvidadus sira kompostu husi autór judisiariu feto mak hanesan juiza, procuradora, defensora pública, advogada privada nomos estudante feto sira husi Centru Formasaun Judisiáriu (CFJ) no maluk feto sira ne`ebé servisu iha área justisa importante seluk.

Aktividade ne'e realiza ho apoiu finanseiru husi **The Royal Norwegian Embassy** iha Jakarta, Indonézia.

Atu hetan informasaun klaru no kompletu liu, favor ida kontaktu direktamente:

Luis Oliveira Sampaio
Diretór Ezekutivu JSMP
E-mail: luis@jsmp.minihub.org
Website: www.jsmp.tl
Telefone: 3323883/77810637